



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorum Omnium Generalium Et Provincialium Collectio Regia

Ab anno CCCCLI. ad annum CCCCLXXV.

Parisiis, 1644

Concilium Turonicum I.

urn:nbn:de:hbz:466:1-14887

ANNO CHRISTI 461. CONCILIVM TVRONICVM I.

PER PETVI EPISCOPI TEMPORE
celebratum, Seuerino V. C. consule, sub die xiv.
Kalendas Decembris, anno Christi CCCCLXI. Seueri
Augusti & Hilari papæ primo.

TITVL CANONVM.

- I. *De sanctitate sacerdotum, & ministrorum ecclesie.*
- II. *Quod sacerdotes & diaconi ab uxoribus suis abstinere, atque ebrietatem vitare clerici omnes debeant.*
- III. *De familiaritate extraneorum feminarum clericis interdicta.*
- IV. *Vt clericus, cui uxorem ducere licet, viduam non accipiat.*
- V. *De clericis qui ad laicam vitam redeunt.*
- VI. *De iis qui virginibus sacratis matrimonio iunguntur, vel re-*
- VII. *Cum homicidis non communitandum.*
- VIII. *Si paenitentes derelicta penitentia ad seculares illecebras resurgentur.*
- IX. *De presumptoribus episcopis, qui aliorum diocesis peruidunt, aut illorum clericos promouent.*
- X. *De illicitis ordinationibus.*
- XI. *De vagantibus clericis.*
- XII. *Clericus sine commendatitiis non ambulet.*
- XIII. *Vt clerici usurarii non sint.*

P R A E F A T I O.

SEVERINO viro clarissimo consule, sub die decimaquarta Kalendas Decembris, cum ad sacratissimam festiuitatem, qua domini Martini receptio celebratur, in civitate Turonorum beatissimi sacerdotes, quorum subscriptio subter adiecta est, conuenissent, necessario crediderunt, vt quia per longam incuriam in aliquo de rebus ecclesiasticæ disciplina regula fuisse vitiata, definitionem suam, quæ cum patrum auctoritate concordat, præsentis scripturae emissione firmarent: non quæ prius illicite admissa sunt retioluentes, sed in posterum vniuersorum utilitati prospicientes: vt secundum euangelica præcepta, & apostolicam doctrinam, patrum statuta seruantes, ecclesia Domini pura & immaculata permaneat.

C A N O N E S.

I.

Primo ergo in loco sacerdotes vel ministri ec-
Concil. Tom. 9.

P p p ij

Math. 5. clesiæ, de quibus dictum est, *Vos estis lux mundi,* ANNO
ita in omni sancta conuersatione a Dei timore a
etius suos dirigant, vt & diuinæ possint placere cle
mentiæ, & bonum fidelibus præbeant exemplum:
quia sicut vñ eis, per quos nomen Dei blasphematur,
ita illi immortalitatis gloriam consequentur,
per quorum actus nomen Dei benedicitur. Si e
nun vniuersis fidelibus secundum apostolicam do
ctrinam castitas custodienda indicitur, vt qui ha
bent vxores, ita sint quasi non habentes; quanto
magis sacerdotes Dei ac leuitæ diuino mancipati
altario, custodire debent, vt non solum cordis, ve
rum etiam corporis puritatem seruantes, pro ple
be supplicaturi preces suas ad diuinum introire me
reantur auditum? quia secundum auctoritatem

Rem. 8. Apostoli, qui in carne sunt, Deo placere non possunt:
vos autem non estis in carne, sed in spiritu. & iterum:

Tib. I. *Omnia munda mundis: coinquinatis autem & infide
libus nihil est mundum, sed polluta est eorum & mens
& conscientia.* Cum ergo laico abstinentia impere
tur, vt possit orationi vacans & Deum deprecans
exaudiri; quanto magis sacerdotibus, vel leuitis,
qui omni momento parati Deo esse debent in om
ni munditia & puritate, securi, ne aut sacrificium
offerre, aut baptizare, si id temporis necessitas po
poscerit, cogantur? Qui si contaminati fuerint
carnali concupiscentia, qua mente excusabunt,
quo pudore usurpabunt, qua conscientia, quo me
rito exaudiri se credent?

II.

Et licet a patribus nostris emissa auctoritate id

ANNO CHRISTI 461. fuerit constitutum, vt quicumque sacerdos vel leuita filiorum procreationi operam dare fuisset conuictus, a communione dominica abstineretur: nos tamen huic distinctioni moderationem adhibentes, & iustam constitutionem molientes, id decreuimus, vt sacerdos vel leuita coniugali concupiscentiae inhærens, vel a filiorum procreatione non definens, ad altiorem gradum non ascendat, neque sacrificium Deo offerre, vel plebi ministrare præsumat. Sufficiat his tantum, vt a communione non efficiantur alieni. Sed vt hæc valeant obseruari, fomitem omnium vitiorum oportet abscidi, Apostolo præcipiente: *Nolite inebriari vino, in quo est luxuria.* Et quam graui ebrietas supplicio expietur, idem apostolica manifestat doctrina, inter cetera dicens, neque fornicatores, neque idolis servientes, neque ebriosos regnum Dei possessuros. Si quis vero in omni officio clericali Deo militans ab ebrietate se non abstinuerit, secundum status sui ordinem competens in eum vindicta tribuatur.

III.

Et quia nullum diabolo locum dari oportet, Iuo part. 6.
cap. 191. hoc præcipue custodiendum decreuimus, vt nullam clerici cum extraneis feminis habeant familiaritatem, ne vllum male loquendi vel sentiendi hominibus aditum tribuant: quia frequenter per hanc indecentem occasionem contigit, vt diabolus, qui insidiatur sicut leo in cubili suo, de ruina servorum Dei insultet. Si quis vero clericus, post interdictum episcopi sui, illicitis familiaritatibus ex-

PPP iii

tranearum feminarum voluerit inhærere , a communione habeatur alienus.

ANNO
CHRISTI
461.

IV.

Vt clericus , cui nubendi datur licentia , inter-
nuptam non accipiat vxorem . quod si fecerit , vlti-
mum in officio clericali teneat locum .

V.

Si quis vero clericus , relicto officii sui ordine ,
laicam voluerit agere vitam , vel se militiae tradide-
rit , excommunicationis poena feriatur .

VI.

Qui vero se sacratis virginibus per coniunctio-
nem nefandam miscuerint , vel propositum pro-
fessae religionis dereliquerint , utriusque a commu-
nione habeantur alieni ; quia si quis templum Dei
violauerit , disperdet illum Deus : donec resipi-
scentes a laqueo diaboli , a quo capti tenentur ad
ipsius voluntatem , ad auxilium pœnitentiæ reuer-
tantur .

VII.

Homicidis penitus non communicandum , do-
nec per confessionem pœnitentiæ ipsorum crimi-
na diluantur .

VIII.

Si quis vero post acceptam pœnitentiam , sicut
canis ad vomitum suum , ita ad sæculares illecebras ,
derelicta quam professus est pœnitentia , fuerit ré-
uersus , a communione ecclesiæ , vel a conuiuio fi-
delium extraneus habeatur , quo facilius & ipse
compunctionem per hanc confusionem accipiat ,
& alii eius terreantur exemplo .

I X.

De præsumptoribus etiam placuit obseruari, vt si quis episcopus in ius fratris sui suam conatus fuerit inserere potestatē, vt aut diœceses alienas, transgrediendo terminos a patribus constitutos, perua-
* ordina-
tos vel
santi-
moniales
promo-
uere pre-
sumat, dat, aut clericos ab aliis * ordinatos promouere præsumat, ab vniuersorum fratrum & consacerdo-
tum suorum communione se alienum efficiendum non dubitet, quia Apostolo dicente cognoscimus,
1. Tbeff. 6. nullam nos cum fratribus inordinate ambulanti-
bus, & non secundum traditionem a patribus con-
stitutam, posse habere participationem.

X.

Ordinationes vero illicitas in irritum deuocamus, nisi satisfactio[n]e quæ ad pacem pertinent, componantur.

X I.

Si quis vero clericus, absque episcopi sui permissu, derelicta ecclesia sua, ad alium se transferre voluerit locum, alienus a communione habeatur.

X II.

Et vt clerci non absque sacerdotum suorum commendatione ad alias prouincias, siue ciuitates, ambulare disponant.

X III.

Illud etiam secundum scripturarum auctorita-
tem, vel patrum constitutionem, addendum cre-
didimus, vt ne quis clericus, qui negotiandi stu-
dium habere voluerit, usuras accipiat, quia scri-
ptum est: *Qui pecuniam suam non dedit ad usuram.*
Psal. 14.
& alio loco: *In plateis eius usura & dolus.* Manife-
Psal. 54.

ANNO
CHRISTI
461.

stum est enim, beatitudinis non posse consequi glo-
riam, qui a præceptis diuinis deuiauerit.

Et ut humilitatis nostræ constitutio, adiuuan-
te Domini misericordia, valeat custodiri, sancti ac
beatissimi sacerdotis domni Martini, quæ Deo ac-
cepta est, obtinebit intercessio. Confidimus enim
sacerdotum Domini consensu definitionem no-
stram firmandam, quæ cum patrum nostrorum
auctoritate concordat.

S V B S C R I P T I O N E S.

- * Perpetuus Turonicæ ciuitatis episcopus interfui & subscripti.
- ^t Victorius episcopus Cenomannicæ ciuitatis huic definitioni inter-
fui & subscripti.
- ^t Leo episcopus Bituricæ ciuitatis interfui & subscripti.
Eusebius episcopus Namneticæ ciuitatis interfui & subscripti.
Amandinus episcopus Catalaunicae ciuitatis interfui & subscripti.
Germanus episcopus Rothomagensis ciuitatis interfui & subscripti.
Athenius episcopus Redonicæ ciuitatis interfui & subscripti.
Mansuetus episcopus Britannorum interfui & subscripti.
Iocundinus presbyter iussu domini mei Venerandi episcopi, quia ip-
se non cerneret, subscripti.
- Talasius peccator hanc definitionem dominorum meorum episco-
porum, ab ipsis ad me transmissam, in ciuitatula mea relegi, sub-
scripti, & consensi.

NOTA IACOBI SIRMONDI
SOCIETATIS IESV.

* *Seuerino viro clarissimo consule.]* Qui cum Dagalaifo consul fuit
anno Christi CCCCLXI. Cur huic anno restituendum censuerimus
Concilium Turonense, quod alii post Baronium ad alterius Seuerini
consulatum reiecerant, qui Trocondum collegam habuit anno
CCCCXXCII. causas expoluimus in iis quæ præfati sumus ad Conci-
lium Veneticum. De anno igitur constat, de die rem incertam facit
veterum librorum varietas. Multi enim XIV. Kalendas Decembris
legunt: alii, vt Rhemensis & Bellouacensis, XVIII.

NOTÆ SEVERINI BINII.

Causa &
acta Con-
cili.

* *Concilium.*] In hoc Concilio disciplina ecclesiastica barbarorum
incursionibus in Galliis laxata, tredecim Canonibus est reformata.
Causam conueniendi dedisse sacratissimam illam festiuitatem, qua
sancti Martini receptio celebratur, acta referunt.

* *Turonicum.*] Sic dictum ab oppido Gallie, cuius incolæ apud
Tacitum & Cælarem Turones appellantur. Sidonius nominat eam
Turonem.

ANNO CHRISTI 461. Turonem, Gregorius Turonicam. Martinopolim a sancto Martino huius urbis episcopo nominat Matthæus Vindocinensis in sua historia Tobix.

^c Seuerino viro clarissimo.] Anno Domini 482. qui est Simplicii pontificis 15. & Zenonis imperii 9. vt ex emendationibus fastis constat. Locus Conclit.

^d Ad sacratissimam festivitatem receptionis sancti Martini, &c.] De Tempus Concili. hac festivitate Baronius in notis martyrologii, die 11. Nouembris hæc scribit. Existimamus autem hanc illam esse diem, qua post altercationes Pictaniensium conantium sibi vendicare corpus eiusdem sancti (Martini) a Turonensibus ipsum clam ablatum, atque nauigio impositum, magna omnium alacritate in Turonensem ciuitatem receptum est, Festam re-
vt scribit Gregorius Turonensis hist. Franc. lib. 1. cap. ultimo. Vnde patet receptionis S. Martini quod. hanc receptionem sancti Martini eamdem esse cum translatione; cum videlicet e pristino loco per angustum in ampliorem basilicam eius venerandum corpus receptum fuit. Hoc tempore basilicam ipsam absolutam fuisse, Sidonius, qui de ea carmen scripsit, satis admonet.

^e Perpetuus.] Perpetuus sextus Turonensis sedis episcopus, is qui ba- Perpetuus silicam sancto Martino confessori dicatam, multo ampliorem reddi- quis. dit. De quo Sidonius Apollinaris lib. 4. epist. 18. hæc scribit. Basilicam sancti pontificis confessorisque Martini Perpetuus episcopus dignissimus tanto predecessor successor, multo priore quo fuit haec tenuis, capaciorum nouauit. Magnum est (vt ferunt) opus nominandumque, quod in honorem talis viri factum, talis vir secisse debuerit. Huins me parietibus inscribere supra dictus sacerdos hoc epigramma compellit. &c. De iciuniis & vigiliis sacris ab eo institutis, hæc Gregorius Turon. lib. 10. hist. Franc. cap. 30. Hic instituit ieiunia vigiliaque, qualiter per circulum Quid insti- anni obseruarentur: quod hodie quoque apud nos retinetur scriptum.] tuicit. Postea subsequitur ordo & temporum & locorum, quibus singula ieiunia & vigilias haberi solebat. Sedit (teste Gregorio prædictis locis) annis triginta. Huius natalis dies anniversaria celebratione in toto orbe occidentalib[us] recurrunt sexto Id. April. Baron. in martyr. & annualibus an. 482. nu. 48. & sequentibus.

^f Victorius.] His temporibus Victorium quemdam episcopum Cenomannorum ecclesiæ præsedisse, non hinc tantum, sed etiam supra quis. ex Concilio Andegauensi constat. Sitne ille idem, qui secundum tabulas Demochar. lib. de sacrificio missæ, sancto Libori eiusdem sedis episcopo, quinto ordine subrogatur, quique annis 24. mensibus 7. & diebus 13. sedisse, ibidem describitur, dubium fit & incertum ex eo quod Beda in martyrologio scribit, hunc sancto Martino notissimum fuisse, adeoque Theodosii imperatoris temporibus clarisse. De Victorio Cenomannorum episcopo agit Gregorius Turonensis lib. de gloria confess. cap. 56. Eius acta manuscripta extare tradit Molanus. Victorium interfuisse Concilio Andegauensi diximus supra in notis eiusdem Concilii sub Leone.

^g Leo, Thalassius.] De Leone & Thalassio, vide quæ supra notaui in notis Concilii Andegauensis.

Concil. Tom. 9.

Qqq